

JE HIŠĆE DOŁHA NOHA

čo. 12

- a) traje hišće cyłu chwilu, je wulka zdalenosć
- b) noha njeje hišće wurostła
- c) jedna noha je dlěša hač ta tamna

Prawa je wotmołwa **a**.

Je hišće dołha noha hač k wěstemu podawkej, jeli to hišće dołho hač do toho traje. Runje tak wužiwa so dołha noha za zwuraznjenje wulkeje zdalenosće k městnosći. To pak so rědšo jewi.

Takle móžeš to tež prajić
je hišće čas, je hišće chwile

Příklady z rěčneho korpusa

poćahujo so na čas:

Je to džě hišće *dołha noha*, prjedy hač z tych tobakowych łopjenow nastanu hotowe cigarety a cigary. (Měrcin Nowak-Njechorński, Wot wčerawša na jutřiše. Budyšin 1960)

Lětsa w meji dóstach nadawk, akademiju wutworić, a hač k wotewrjenju je hišće *dołha noha*.

Tuž njetrjebamy hižo nětko wo tym rěčeć, štó ju wotewrje. (Serbske Nowiny 2010; julij-september)

poćahujo so na rum:

Wobsteji drje tydženski zwisk mjez Sierra Leone a Grand Bassam, ale wottam hač do Loanga je hišće *dołha noha*. (Jules Verne: Předźiwne dyrdomdeje knjeza Antifera, Budyšin 1979)